



16 MAR, 2023

Bahan mentah dijamin cukup Ramadan ini

Sinar Harian, Malaysia

Page 1 of 2

Bahan mentah dijamin cukup Ramadan ini



Mohamad hadir pada majlis penyerahan bantuan nelayan di Kompleks LKIM Pengerang, Kota Tinggi pada Rabu.

MAFS menerusi FAMA beri jaminan meskipun Johor masih banjir

KOTA TINGGI

Kementerian Pertanian dan Keterjaminan Makanan (MAFS) memberi jaminan bekalan bahan mentah termasuk sayur-sayuran di negeri ini mencukupi, meskipun negeri Johor masih dilanda banjir.

Menterinya, Datuk Seri Mohamad Sabu berkata buat masa ini, pihaknya menerusi Lembaga Pemasaran Pertanian Persekutuan (FAMA) sentiasa memastikan bekalan mencukupi.

Ini termasuk membawa bekalan dari Kuala Lumpur (Pasar Borong Selayang), Negeri Sembilan dan Pahang (Cameron Highlands), katanya.

“Insya-ALLAH. Dijamin oleh pihak FAMA. Bekalan akan dibawa dari tempat-tempat lain untuk memenuhi permintaan dalam bulan Ramadan,” katanya kepada pemberita selepas majlis penyerahan bantuan nelayan di Kompleks Lembaga Kemajuan Ikan Malaysia (LKIM) Pengerang di sini, pada Rabu.

Turut hadir Menteri di Jabatan Perdana Menteri, Datuk Seri Azalina Othman Said.

Ahli Parlimen Kota Raja itu berkata demikian ketika ditanya sama ada bekalan bahan mentah mencukupi memandangkan se-

setengah tempat di negeri itu masih terjejas banjir.

Mengenai jumlah kerugian yang dialami pekebun dan petani, Mohamad berkata kementerianya bersama agensi-agensi terlibat kini dalam proses membuat banciaan dan mengumpul data penduduk terkesan banjir.

“Kerugian itu sedang dibuat banciaan. Pihak Agensi Pengurusan Bencana Negara (Nadma), Kementerian Kesihatan Malaysia, Kementerian Kemajuan Desa dan Wilayah, MAFS dan FAMA juga sedang buat kajian,” katanya.

Disember lepas, sektor pertanian dan agromakanan mengalami kerosakan dan kerugian berjumlah RM111.95 juta akibat bencana susulan Monsun Timur Laut. - *Bernama*



16 MAR, 2023

Bahan mentah dijamin cukup Ramadan ini

Sinar Harian, Malaysia

Page 2 of 2

SUMMARIES

MAFS menerusi FAMA beri jaminan meskipun Johor masih banjir

Kementerian Pertanian dan Keterjaminan Makanan (MAFS) memberi jaminan bekalan bahan mentah termasuk sayur-sayuran di negeri ini mencukupi, meskipun negeri Johor masih dilanda banjir. Menteri nya, Datuk Seri Mohamad Sabu berkata buat masa ini, pihaknya menerusi Lembaga Pemasaran Pertanian Persekutuan (FAMA) sentiasa memastikan bekalan mencukupi. KOTA TINGGI

Ini termasuk membawa bekalan dari Kuala Lumpur (Pasar Borong Selayang), Negeri Sembilan dan Pahang (Cameron Highlands), katanya. "Insya-ALLAH. Dijamin oleh pihak FAMA.